

Gebet

Vunn Dach zu Dach ma älda wird; unn bald,
du wäschds om beschde, Herr, is ma alt.

Helf mir, ohne Bidderkääd das ze akzeptiere;
nit kriwwelisch, eher nohdenklich ze reagiere.

Bewahr mich vor der Innbildung alles reschle ze wolle,
Beispiele, gudd gemennt, aus da Vagongehääd ze holle.

Lehr misch, dass jeder - egal in welche Sache -
sei eischene Erfahrung im Lääwe muss mache.

Schenk mir die Gabe, onnere zuzeheere,
ohne sie eines Bessere zu belehre.

Herr, lass misch nit die Geduld valiere
unn aach kä Schadefrääd vaschpiere,

wenn jemond sei Leide zum Beschde gebbd,
dauernd vazählt, wassa schunn Schlimmes erlääbt.

In dem Fall bewahr misch vor dem Valonge
mit meine Beschwerde aach ohnzefonge.

Lass misch still schweiche iwwer Kronkhääd unn Weh.
Die werre sowieso vunn Johr ze Johr meh.

Herr, isch bidd um die Gabe, wenn in Gesellschaft isch bin,
lass misch e ohngenehmer Unnerhaller sinn.

Der nix widderholt, immer kurz sisch fasst,
onnere aach mol ze Wort kumme lasst.

Entschdeht e Dischputt mol donn unn wonn,
lass misch geschdehn, dass aach isch misch mol irre kann.

Ich meschd bescheiden unn dodursch liebenswert sinn,
damit isch nie ohne Freinde bin.

O Herr, isch traue misch faschd nit:
Do wär nämlisch noch e klääni Bidd:

Isch glaab die wichdichsde vunn alle:
Mein Gott, lass misch mei klarer Vaschdond behalle!

Na, so als Heilischer durschs Lääwe ze gehn
wär bestimmd nit leischd - unn aach nit scheen!

Awwer e Quärkobb sinn, stur unn vadräht -
Do hätt de Deiwel dann sei Frääd!

Helene Keller
